

www.BibleForChildren.org

Mateyo 8



Olusiku Iwa kasharhu, habà obuhya e Kana omu Galileya. Nnina wa Yezu erhi yo ali. Naye Yezu àli mulâlike kw'obwo buhya bo n'abaganda bâge.



Lêro idivayi lyanacibula, bulya idivayi ly'obuhya lyàli erhi lyanâmâhwa. Nnina wa Yezu anacimubwîra, erhi: «Barhacigwerh'idivayi». Nnina aj'ibwîra abarhumisi, erhi: «Ngasi oku akammubwîra, mukujire».



Yezu ababwîra, erhi: «Yunjuzi orhu rhubindi mîshi». Barhumbumba kuhika oku muhiro. Ashub'ibabwîra, erhi: «Domagi, muhekere omushongwe». Banacimuhêkera.



Erhi omushongwe alabulakwo galya mîshi gahindusire
divayi, arhànali amanyire aha eryo divayi lyarhengaga,
ci abarhumisi bà'idôma
amîshi erhi bamanyire
bwinjà, ahamagala
omuhya mulume,
amubwîra, erhi: . . .



. . . «Kali abandi idivayi linjà barhang'ihâna, n'erhi abantu bakolabalimwo orukara, Iyo barhanza elirhali linjà. Ci wêhe wal'irhanzir'ibîka idivayi linjà kuhika buno!»




Co cisômerîne cirhanzi ca Yezu eco. Acijiraga e Kana omu Galileya. Ayêrekana irenge lyâge, n'abaganda bâge bamuyêmêra.



Erhi Yezu ahika aha mwa Petro,
ashimâna nnazâla agwîshîre, erhi
alwâla ishushira.



Amuhuma oku kuboko, n'ishushira lyamulîka.
Anacizûka, abakolera.




Erhi kubà bijingo, gala mango izûba lizika, bamulêrhera ngasi yêshi wali mulwâla n'abàli bagwêrhwe na shetani boshi. Ecishagala coshi calundumana aha lusò.



Afumya banji bâli bagwêrhwe n'obuzamba bwa ngasi
lubero, analibirhakwo bashetani banji; ci ahanza
abashetani okuderha, bulya bâli bamanyire ali ndi.



Olwo lubaga lwoshi lwakâg'ilonza okumuhumakwo,
bulya obuzibu bwamurhengamwo
bwakâg'ibafumya boshi.



Banacimulêhera omuntu w'enjingo zihozire,
abarhwîrwe na bantu bâni.



Erhi bacibula aha bamugerîze mpu
bamuyêrekeye erhi kuluga
kw'abantu kurhuma, barhula
oburhungiri bw'enyumpa
àlimwo, basheshezaho
encingo olya
mulwâla àlikwo.




Yezu erhi abona obwêmêre bwâbo, abwîra nyakuhola enjinga, erhi: «Mwâna wâni, ebyâha byâwe byamârhenzibwa». “Nkurhegesire oyimuke, oyanke encingo yâwe, oj'emwâwe” ».



Erhi acija omu bwârho, abaganda bâge bamukulikira.
Ho n'aho omulaba gwanacizûka
omu nyanja, kuhika obwârho
bwalonz'lohama.
Yêhe erhi ali îrò.



Naye ababwîra, erhi: «Bici muyôbohire, babula buyêmêre?» Erhi acizûka, akalihira empûsi n'enyanja, n'omurhûla gwabà, Obwo abantu basômerwa, banakâderha, mpu: «Lêro ye ndi oyu! Ci yêhe empûsi n'enyanja bidwîrhe byamuyêmêra!»



“Nêci, Nnâmahanga azigîre igulu,
kuhika abâna Omugala cûsha, mpu
ngasi yêshi wâmuyêmêra alek’ihera,
ci abone obuzîne bw’ensiku
n’amango”.



Barom 3:23

Boshi bajizire ebyâha, baheza irenge Iya Nyamuzinda,

Barom 6:23

Bulya oluhembo lw'ecâha lubà lufù, ci engalo ya
Nyamuzinda bubà buzîne bw'ensiku n'amango muli
Nnâhamwîrhu Yezu Kristu.

Bahabraniya 9:27

Na bulya abantu liguma lyône bafà, n'enyuma ly'aho
batwîrwe olubanja,



Befezi 2:8,9

Bulya, nêci, nshôkano yâge, kuhirakwo obuyêmêre, yammucizagya. Obwo bucire, arhali omu misî yinyu burhenga, ci eri ngalo ya Nyamuzinda. Arhali omu bijiro burhenga, mpu lyo halek'ibà owacîkuza.

Barom 10:9,10

Bulya, akabà omu kanwa kâwe onahamîrize oku Yezu ye Nyakasane, n'akabà oyêmîre omu murhima gwâwe oku Nyamuzinda amufûsize omu bafù, wâcunguka. Nêci, obuyêmêre bw'omu murhima bwo buhisa omuntu oku obushinganyanya, n'obuhamîrize bw'akanwa bwo buhisa omuntu oku bucunguzi.



Yowane 3:16,17

“Nêci, Nnâmahanga azigîre igulu, kuhika abâna Omugala cûsha, mpu ngasi yêshi wâmuyêmêra alek’ihera, ci abone obuzîne bw’ensiku n’amango”. “Bulya Nyamuzinda arharhumaga Omugala en’igulu mpu ayish’ihana igulu, ci mpu lyo aciza igulu”.

1 Yowane 5:11-13

N’obwo buhamîrizi bw’obu: Nyamuzinda arhushobôzize obuzîne bw’ensiku n’amango, n’okubona buzîne bubà omu Mugala. Ogwêrhe Omugala erhi agwêrhe obuzîne; orhagwêrhi Mugala wa Nyamuzinda, erhi arhagwêrhi buzîne. Mmuyandikîre ebyo binwa nti lyo mumanya oku mugwêrhe obuzîne bw’ensiku n’amango, mwe muyêmîre izîno lya Mugala wa Nyamuzinda.



Mateyo 8-9; Marko 1-2, 4; Luka 4, 8; John 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Shi Bible (shr) © BUKAVU Archdiocese of Bukavu, 2024

<https://www.bible.com/bible/3953/GEN.1.MKB>

©2026 Bible for Children, Inc.

www.M1914.org

www.bibleforchildren.org

